

खबरां

- इंडिया ए.आई इम्पैक्ट शिखर सम्मेलन-2026 नमीं दिल्ली च शुरू, प्रधानमंत्री नरेंद्र मोदी होरें कीता उद्घाटन, 100 कोला मते मुलखें दे राश्ट्र अध्यक्ष, संगठनें दे प्रतिनिधि ते बपार लीडर हिस्सा लै करदे ना।
- प्रधानमंत्री नरेंद्र मोदी होरें आखेआ ऐ कि एहू देशवासिएं लेई बड़ी मानै आहली गल्ल ऐ कि इस सम्मेलन राएं दुनिया भरै दे मुलखें गी ए.आई दे क्षेत्र च भारत दी छमता ते समर्थ दा पता लगा'रदा ऐ।
- केंद्री गृह मंत्री अमित शाह होरें आखेआ ऐ कि जम्मू-कश्मीर, पर्वोत्तर ते माओवाद प्रभावत इलाकें च हिंसा ते आतंकी गतिविधिएं च 80 प्रतिशत कोला मती कमी दर्ज कीती गई ऐ।
- इस्राइली रक्षा बल आई.डी.एफ नै इक हफते च दक्खनी लेबनान च हिजबुल्ला आतंकी संगठन दे ढांचे गी नमे सिरेआ तयार करने च लगगे दे 4 आतंकवादिएं गी मारी मकाया ऐ।
- आई.सी.सी टी-20 विश्व कप च अज्ज अफगानिस्तान नै यू.ए.ई गी 5 विकेटें कन्नै ते इंग्लैंड नै इटली गी 24 रन कन्नै हराया। श्रीलंका ते आस्ट्रेलिया बश्कार मकाबला जारी।
- राजस्थान च इक फैक्ट्री च अगग लगने दी घटना च 8 जनें दी मौत होई गई ऐ।

<><><><><><>

PM-AI Impact

प्रधानमंत्री नरेंद्र मोदी होरें अज्ज संज्ञा नमीं दिल्ली दे भारत मंडपम च इंडिया ए.आई इम्पैक्ट एक्सपो 2026 दा उद्घाटन कीता। उद्घाटन दे बाद मोदी होरें बक्ख-बक्ख स्टालें दा दौरा लाया ते ए.आई दे खेत्तर च दुनिया दिएं जरूरतें ते उनें जरूरतें गी पूरा करने गितै भारत दिएं छमताएं दा प्रदर्शन दिक्खेआ। भारत दे अलावा उत्थै 13 बाहरले मुलखें दे बी पंडाल लाए गेदे ना।

<><><><><><>

Bharat AI Impact Sammelan

5 दिनें दा एहू सम्मेलन कुसै विकासशील देश च आयोजित होने आहला पैहला वैश्विक एआई शिखर सम्मेलन ऐ। एहू सम्मेलन वैश्विक एआई कार्ययोजना च भारत दी भूमिका गी मजबूत करने दा महत्वपूर्ण मंच ऐ। एहू भारत गी वैश्विक एआई सहयोग च संयोजक ते भागीदार दे रूप च बी स्थापित करोग, जेडा सार्वजनिक हित आस्तै सांज्ञा मानकें, सहयोगी ढांचे ते हल दा समर्थन करदा ऐ। सम्मेलन च 100 थमां बहू देशें गी निमंत्रण दित्ता गेदा ऐ ते दो लक्ख थमां बहू लोकें पंजीकरण कराया ऐ। 20 देशें दे वैश्विक नेताएं दा सम्मेलन च हिस्सा लेने दा कार्यक्रम ऐ। इन्दे च फ्रांस दे राष्ट्रपति इमैनुअल मैक्रों, ब्राजील दे राष्ट्रपति लुईस इनैसियो लूला द सिल्वा, स्पेन दे राष्ट्रपति पेद्रो

सैंचेज़ पैरेज़ कास्टज़ोन, स्विटजरलैण्ड दे राष्ट्रपति गे. पारमेलन, नीदरलैण्ड दे प्रधानमंत्री डिक स्कूफ, संयुक्त अरब अमीरात दे क्राउन प्रिंस शेख खालिद बिन मोहम्मद बिन ज़ायद अल नाहियान, मॉरीशस दे प्रधानमंत्री डॉ. नवीन चन्द्र रामगुलम, श्रीलंका दे राष्ट्रपति अनुराकुमारा दिसानायके, सेशेल्स दे उपराष्ट्रपति सेबेस्टियन पिल्ले ते भूटान दे प्रधानमंत्री त्शेरिंग तोबगे शामिल हैं। 5 दिन दे इस सम्मेलन च शामिल होने जा'रदे प्रमुख नेताएं च फ्रांस दे राष्ट्रपति इमैनुअल मैक्रों- ब्राजील दे राष्ट्रपति लूला डी सिल्वा- स्पेन दे राष्ट्रपति पेद्रो सांचेज़- स्विटजरलैंड दे राष्ट्रपति गे परमेलिन- नीदरलैंडस दे प्रधानमंत्री डिक स्कूफ- मारीशस दे प्रधानमंत्री डा. नवीन चन्द्र रामगुलाम- श्रीलंका दे राष्ट्रपति अनुरा कुमारा दिसा नायके सेशेल्स दे उपराष्ट्रपति सेबा स्टियन पिल्ले ते भूटान दे प्रधानमंत्री शेरिन तोगबे शामिल ना। विदेशमंत्रालय नै इक ब्यान च आखेया जे सम्मेलन च बोलिविया- क्रोएशिया-फिनलैंड- ग्रीस- ग्याना- कजाकिस्तान- लिस टैनस्टेन सर्बिया ते स्लोवाकिया दे प्रतिनिधि बी शामिल होगन। एहदे इलावा एहदे च 45 कोला मते मुखें दे प्रतिनिधि बी शामिल होगन। सम्मेलन दी चर्चा च संयुक्त राष्ट्र महासचिव ते केई अंतराष्ट्रीय संगठनें दे अधिकारी बी हिस्सा लैगन। संयुक्त अरब अमीरात दे शिष्टमंडल दी अगुआई अबुधाबी दे शहजादे खालिद बिन मोहम्मद बिन जायद अल निहान होर करंगन। इस सम्मेलन दा मकसद भलेया अज्जै-कल्लै दियें आधुनिक तकनीकें च अंतराष्ट्रीय सहयोग बी बधाना ते कूटनीति भ्याली गी मजबूती देना ऐ।

<><><><><><>

PM-AI Summit

प्रधानमंत्री नरेंद्र मोदी होरें आखेआ ऐ जे देशवासियें आस्तै बड़े गौ दी गल्ल ऐ जे भारत एआई इम्पैक्ट शिखर सम्मेलन आस्तै दुनिया भर थमां लोक भात आ करदे ना। सोशल मीडिया पोस्ट च श्री मोदी होरें शिखर सम्मेलन आस्तै दुनिया दे नेताएं, उद्योगपतियें, नवप्रवर्तकें, नीति निर्माताएं, शोधकर्ताएं ते प्रौद्योगिकी प्रेमियों दा सोआगत कीता ऐ। श्री मोदी होरें इस गल्लै पर बल दित्ता जे एह मौका इस गल्लै दा प्रमाण ऐ जे देश विज्ञान ते प्रौद्योगिकी दं खेत्तर च तेजी कन्नै प्रगति करा'रदा ऐ ते वैश्विक विकास च महत्वपूर्ण योगदान देआ'रदा ऐ। प्रधानमंत्री होरें आखेआ जे एह मौका देश दे युवाएं दी क्षमता गी बी दर्शादा ऐ। उनें एह बी आखेआ जे शिखर सम्मेलन दा विषे 'सर्वजन हिताय, सर्वजन सुखाय' यानी सभनें दा कल्याण, सभनें आस्तै सुख, मानव-केंद्रित प्रगति आस्तै कृत्रिम बुद्धिमत्ता-एआई दा उपयोग करने दे प्रति मुखें दी सांझा प्रतिबद्धता गी दर्शादा ऐ।

<><><><><><>

ECO-Advisor AI

भारत दे मुख आर्थिक सलाहकार बी अनंत नागेश्वरण होरें अज्ज आखेआ ऐ कि भारत शिक्षा दे क्षेत्र च सुधार आहनदे होई ए.आई गी अपनाइयै मते-मते लोकें गी कम्म रोजगार देइयै दुनिया दी अगुवाई करी सकदा ऐ। एह गल्ल उनें अज्ज ए.आई इम्पैक्ट शिखर सम्मेलन दे मौके ते आर्टिफिशल इंटेलीजेंस विशे पर आयोजित इक सत्र गी संबोधत करदे होई आक्खी। उनें आखेआ जे भारत च इस क्षेत्र च बड़ियां मतियां संभावना न जिंदा पूरा-पूरा इस्तेमाल कीता जाना लोडचदा।

<><><><><><>

Army IA

भारतीय सेना एआई इम्पैक्ट समिट च अपनी बददी एआई दे एकीकरण गी प्रदर्शित करोगा। एहदा मकसद रक्षा सेवाएं गी सुदृढ करना, परिचालन क्षमता बढ़ाना ते भविष्य लेई तैयार रक्षा क्षमताएं गी विकसित करना ऐ। इक सोशल मीडिया पोस्ट च सेना नै आखेआ जे आगंतुक नमीं दिल्ली दे भारत मंडपम च स्थित भारतीय सेना दे एआई स्टॉल पर अत्याधुनिक, दोहरे उपयोग आहली प्रौद्योगिकियों दे अवलोकन करी सकदे न।

<><><><><><>

Shah J&K Peace

केंद्री गृह मंत्री अमित शाह होरें अज्ज आखेआ ज जम्मू-कश्मीर बल्लें-बल्लें टिकाउ शांति बक्खी बढ़ा'रदा ऐ ते धारा 370 टुटने मगरा हिंसा दी घटनाएं च कमी आई ऐ। दिल्ली च बड़ी कमी आई ऐ। दिल्ली पुलिस दे 79में स्थापना दिवस दे मौके अपने संबोधन च शाह होरें आखेआ जे देश दे अंदरूनी सुरक्षा परिदृश्य च पिछले 10 ब'रें च बेहतर बदलाव आया ऐ। उनें जोड़ेआ जे जम्मू-कश्मीर च हिंसा सरबन्धी घटनाएं च 80 फीसदी दी कमी आई ऐ। सरकार म्हेशां गै राश्ट्री सुरक्षा गी मजबूत करने आस्तै ते जम्मू-कश्मीर च शांति ते विकास पक्का करने आस्तै प्रतिबद्ध ऐ।

<><><><><><>

Amit Shah-Cooperation Ministers

सहकारिता क्षेत्र च प्रमुख सुधारें ते विस्तार योजनाएं दी समीक्षा लेई कल मंगलवारें गुजरात दे गांधीनगर च सभनें राज्यें ते केन्द्र शासत प्रदेशें दे सहकारिता मंत्रियों दी इक उच्चि सतह दी बैठक लगोगा। इनें योजनाएं च मुख्य भरै च प्रस्तावित दंडू लख नमीं सहकारिता समीतियों दी स्थापना बी शामिल ऐ। एह इक चाल्ली दी "मंथन बैठक" होग- जेहदे च सारे किट्टे बेइयै विचार-बटांदरा करगंन ते भविष्य दी रुपरेखा गी मुकदा रुप देगंन। बैठक दी अध्यक्षता केन्द्री सहकारिता मंत्री अमित शाह होर करगंन। महात्मा मंदर दे सम्मेलन कक्ष च लगने आहले इस कार्यक्रम च मुख्य भरै दे सहकारिता मंत्रियों दे कन्नो-कन्नो अतिरिक्त मुख सचिव- प्रधान सचिव ते सचिवें जनेए वरिष्ठ अधिकारियों दे बी एहदे च शामिल होने दी मेद ऐ।

<><><><><><>

IDF-Hizbullah

इस्राइल रक्षा बल आई.डी.एफ नै दक्खनी लेबनान दे हनीन इलाके च हिजबुल्ला आतंकी संगठन दे फौजी ढांचे गी नमें सिरेआ कायम करने दे जत्तें च लगे दे इक आतंकवादी गी मारी मकाया ऐ। आई.डी.एफ नै आखेआ ऐ कि आतंकवादी गतिविधि इस्राइल ते लेबनान बश्कार होए दे समझौते दी खलाफवर्जी ऐ। उनें दस्सेआ जे पिछले हफ्ते बी उंदे रक्षा बलें लेबनान च हिजबुल्ला दे ढांचे गी नमें सिरेआ स्थापित करने च लगे दे त्रै आतंकवादिएं गी मारी मकाया हा।

<><><><><><>

Israeli Airstrike

इजरायली ब्हाई हमले नै लेबनान सीरिया बन्ने कोल इक गड्डी गी अपना शिकार बनाया जिस करी 4 लोक मारे गए ना। लेबनान राश्ट्री समाचार एजेंसी मताबक इक इजरायली ड्रोन मजदल अंजर इलाके च इक कार कन्नै टकराया। इजरायली मिलीट्री दा आखना ऐ जे उनें पेलस्तिन आतंवादी संगठन इस्लामिक जेहाद सरबंधत धडे गी निशाना बनाया हा।

<><><><><><>

Iran Atom Issue

ईरान दे विदेश मंत्री अब्बास अराघची नै अज्ज संयुक्त राष्ट्र दी परमाणु निगरानी संस्था दे प्रमुख कन्नै मुलाकात कीती। एह मुलाकात तेहरान दे परमाणु कार्यक्रम गी लेइयै अमरीका कन्नै दुए दौर दी गल्लबात कीती। श्री अराघची होरें अंतर्राष्ट्रीय परमाणु ऊर्जा एजेंसी दे महानिदेशक राफेल ग्रॉसी कन्नै मुलाकात कीती। श्री अराघची होरें आखेआ जे ओमान दे विदेश मंत्री बदर अल-बुसैदी हुंदे नै बी मिलडन जेडे कल जिनेवा च अमरीका-ईरान वार्ता दी मेजबानी करा'रदा ऐ। कल, ईरान दे उप विदेश मंत्री माजिद तख्त-रवांची नै संकेत दित्ता ऐ जे तेहरान परमाणु मुद्दे पर समझौता करने आस्तै तैयार होई सकता ऐ पर ओहू अमरीका दे नेतृत्व च लाए गेदे अंतरराष्ट्री प्रतिबंधें च ढिल्ल चाहंदा ऐ।

<><><><><><>

PM France

प्रधानमंत्री नरेंद्र मोदी होर कल मुम्बई च फ्रांस दे राष्ट्रपति इमैनुएल मैक्रों हुंदे नै मलाटी करंगन। इस दरान दवें नेता भारत फ्रांस रणनीतिक सांझेदारी च होई दी प्रगति दी समीक्षा करडन। मैक्रों होर कल्लै थमां भारत दी 3 दिनें दी यात्रा पर आवा करदे ना। ओहू नमीं दिल्ली च आयोजित ए.आई इम्पैक्ट शिखर सम्मेलन च बी हिस्सा लैंगन। दौनें नेताएं दी मलाटी दरान चर्चा भारत ते फ्रांस बश्कार रणनीतिक सांझ भ्याली गी निगगर करने ते इसी नमें ते उभरदे क्षेत्रें च फैलाने पर केंद्रित होग। मगरा दवें नेता भारत फ्रांस नवाचार 2026 दा उद्घाटन करंगन ते दौनें मुलखें दे बपारिक नेताएं, स्टार्टअप्स, शोधकर्ताएं ते सरबंधत धडें दी सभाग गी बी संबोधित करंगन।

<><><><><><>

Rajasthan Fire Incident

राजस्थान च खैरथल तिजारा जिले दे टपुकारा च इक फैक्टरी च भयंकर अग्ग लगगने करी 8 लोकें दी मौत होई गई ऐ। पुलस ते प्रशासन नै राहत बचाव कम्म शुरू करी दित्ते ना। अग्ग साहलने आले अमले आसेआ अग्ग पर काबू पाने आस्तै कम्म शुरू करी दित्ता गेदा ऐ। मते सारे लोकें दे फैक्टरी च फंसे होने दी मेद ऐ। एहू माडा हादसा कुरुक्षेत्र औद्योगिक क्षेत्र च इक गत्ते दी फैक्टरी च पेश आया। ए.डी.एम सुमित्रा मिश्रा नै दस्सेआ ऐ जे मारे गेदे 8 लोकें दियां लोथां बरामद करी लैती गेदियां ना। बचाव कम्म अजें जारी ऐ।

<><><><><><>

VP/PM Fire Incident

उपराष्ट्रपति सी.पी राधाकृष्णन ते प्रधानमंत्री नरेंद्र मोदी होरें भिवाड़ी, राजस्थान च होए दे अग्ग लगगने दे हादसे पर गहरा बसोस जाहिर कीता ऐ। इक सोशल मीडिया पोस्ट च राधाकृष्णन होरें

सौगी परिवार कन्नै सांत्वना प्रगट कीता ऐ ते जखिमएं दे तौले ठीक होने दी कामना कीती ऐ। प्रधानमंत्री मोदी होरें इस हादसे गी मंदे भागें भरा दस्सेआ। इक सोशल मीडिया पोस्ट च मोदी होरें इस हादसे च मारे गेदे लोकें आस्तै बसोस जाहिर कीता ते घायलें दे तुरत ठीक होने दी कामना कीती।

<><><><><><>

Rijju Stadium

बन्ने कन्ने लगदे इलाके च खेड ढांचे गी मजबूत करने दे मकसद कन्नै केंद्री मंत्री किरेण रिजिजू होरें अरूणाचल प्रदेश दे तवंग जिले दे लुंगला डिविजन दे मुयो च नमें बनाए गेदे बहुउद्देशी इंडोर वालीबाल स्टेडियम दा उद्घाटन कीता। सरकार दी खेलो इंडिया पैहल दे तैहत त्यार कीती गेदी इस सुविधा कन्नै इंडो खेडें, विदेशतौरा पर वालीबॉल, लेई आधुनिक सिखलाई सुविधा उपलब्ध होंगन ते एथलेटिक्स च नौजोआनें दी दिलचस्पी बधोग ते अगड़े बधने दा मौका हासल होग।

<><><><><><>

Prez. Manipur Delegation

मणिपुर दे चंदेल ते तेंगनाउपाल जिले थमां सामाजिक संस्थाएं दे सदस्य अज्ज राष्ट्रपति भवन, नमीं दिल्ली च राष्ट्रपति द्रौपदी मुर्मू हुंदे कन्नै मिले। इक सोशल मीडिया पोस्ट च राष्ट्रपति मुर्मू होरें आखेआ जे इंदा राष्ट्रपति भवन दा दौरा राष्ट्र एकता दौरे दा हिस्सा ऐ।

<><><><><><>

CISF-Mock Drill

केंद्री उद्योग सुरक्षा बल-सी.आई.एस.एफ नै अज्ज अंतर एजेंसी तालमेल, सुरक्षा खतरें तोड़ी प्रतिक्रिया ते त्यारी गी बदाने दे मकसद कन्नै दिल्ली ब्हाई अड्डे पर संयुक्त आतंकवाद बरोधी माक कार्रवाई दा सरिस्ता कीता। इक सोशल मीडिया पोस्ट च सी.आई.एस.एफ नै आखेआ जे इस कार्रवाई दा तवज्जो खतरे दे समें तुरत प्रतिक्रिया, रणनीतिक तैयारी ते विजन कुसा रूकावट दे अंतर एजेंसी तालमेल गी मजबूत करना हा।

<><><><><><>

China Explosion Deaths

चीन च इक पटाखे दी दुकान पर अगग लगने करी 8 लोकें दी मौत होई गेई ते 2 घायल होई गए न।

<><><><><><>

ICC-T-20 World Cup

आई.सी.सी टी-20 विश्व कप च अज्ज त्रै मैच खेडे जाने हे। पैहला मैच संयुक्त अरब अमीरात यू.ए.ई ते अफगानिस्तान बश्कार खेडेआ गेआ जेडा अफगानिस्तान नै 5 विकटें कन्नै जिती लैता। पैहले बल्लेबाजी करदे होई यू.ए.ई नै 20एं ओवरें च 9 विकटें दे नुकसान पर 160 रन्ज बनाए जेदे परते च अफगानिस्तान नै 19 ओवर ते 2 गेंदें च 5 विकटें दे नुकसान पर 162 रन बनाइयै मैच अपने नां करी लैता। दुआ मैच इंग्लैंड ते इटली बश्कार खेडेआ गेआ। पैहले बल्लेबाजी करदे होई इंग्लैंड नै 20 ओवरें च 7 विकटें दे नुकसान पर 202 रन बनाए ते इटली गी जित्त लेई 203 रन दा लक्ष्य दित्ता। परते च इटली दी टीम 20 ओवरें च 178 रन गै बनाई सकी ते इंग्लैंड नै 24 रन कन्नै मैच जिती लैता। त्रीया

मैच एल्लै श्रीलंका ते आस्ट्रेलिया बश्कार शुरू होई चुके दा ऐ। श्रीलंका नै टास जित्तियै पैहले गेंदबाजी करने दा फैसला लैता ते हुनै कोला किश चिर पैहले आस्ट्रेलिया नै 4 आवरें च 0 विकटें दे नुकसान पर 38 रन बनाई लैते दे हे।

<><><><><><>

Weather

मौसम विभाग नै 18 फरवरी तगर तमिलनाडु, केरल ते लक्षद्वीप च हल्की बरखा दी पेशगेई कीती ऐ। विभाग नै अज्ज अंडमान ते निकोबार द्वीप समूह च बिजली ते तेज ब्हाएं कन्नै बद्दल गरजने कन्नै बरखा दी मेद दस्सी ऐ। विभाग नै आखेआ ऐ जे तटीय कर्नाटक, कोंकण ते गोवा च गर्म ते उमस भरा मौसम रौह्ग। तोआई,, दक्षिण-पश्चिम ते ओह्दे कन्नै लगदे दक्खण-पूर्वी बंगाल दी खाड़ी ते ओह्दे कन्नै लगदे पूर्वी भूमध्यरेखीय हिंद महासागर दे किश हिस्सें च तूफानी मौसम रौह्ने दी मेद ऐ।

<><><><><><>